

OPTIEK
SPRITZER &
FUHRMANN
SAN NICOLAS
TEL. 5014

GEDEUK
dagelijks
DOMO POWDER MILK
agents
VELD STORES

Dagblad

voor Aruba

FRESH UP
WITH
7 - UP
agents
VELD STORES



18DE JAARGANG

MAANDAG 15 APRIL 1957

No. 2806

Exitoso programa di segundo aniversario di APSV

(Di nos Sportreporter)

ORANJESTAD. — Un publico hopi grandi a presencia ayera tardi den Wilhelmstadion e programa di Aruba Paarden Sport Vereniging, cual a worde organisa cu conexion cu celebracion di segundo aniversario di e organo aki. Un progreso den e programa tabata notable, refiriendo na e culminamento na e ora anuncia y e rapidéz cu e carreranan tabata sigi otro.

Promer carrera di e programa tabata entre e tres ehemplar di C. Klasse. Blanca, White Fury y Bula Waya, monta respectivamente pa J. Tromp, A. Thomas y J. Lampe. E carrera aki a worde gana pa White Fury. Seguidamente a corre e tres ehemplar di B. Klasse Black Fury cu su jinete Max Tromp, Onza cu George Wever y Siete Leguas cu S. Toppenberg. Onza a sali ganador. E segundo carrera di B. Klasse tabata entre Oro cu James Hassell, Claru cu M. Tromp y Rancho Grande cu J. Halley. Durante e carrera aki un accidente chikito a tuma lugar ora cu Halley a worde tumbá for di su cabay. E cuarta carrera di e programa tabata entre ehemplar di A. Klasse. A competi cu otro Joe Amstel monta pa Pascual Zambrano, Nelly pa J. Robert y Benny pa H. Brunnings. E ultimo cabay aki ta uno cu semper a duna masha bon carrera y te hasta varios luna tras di otro no por a worde derrotá, pero den e carrera aki el a lusi pisá. Joe Amstel a tuma delantera for di principio y sin hopi dificultad manteniendo

un velocidad firma el a gana e carrera. Benny a termina den segundo lugar.

Despues di e carreranan preliminar a cuminsa e carreranan pa e copanan don na APSV en relacion cu su segundo aniversario. Den paso a competi Colito, Sultan, Reserva y Negro ganando Negro guia pa Pascual Zambrano. Sultan tambe a duna bon demostracion di paso, pero no tabata mas consistente cu Negro. Asina e jinete Zambrano a gana su promer copa di e atardi. Den C. Klasse e mes tres ehemplar a competi cu otro atrobe. Esaki a resulta den un carrera hopi accidentado ora cu Blanca a saka su jinete Joaquin Tromp den e ultima vuelta y luego White Fury a haci meskos cu Thomson. Pero e caida di Tromp tabata hopi serio ya cu e no por a lanta para y mester a worde transporta pa hospital cu ambulancia. Bulawayo a gana e carrera hopi cansa y unicamente como no tabata tin competidor. E copa pa B. Klasse a worde corri entre cinco ehemplar Onza, Vlaru, Rancho Grande, Siete Leguas, y Oro. Guja pa James Hassell. Oro a gana e carrera aki, cu un ventaha tuma for di principio. E mihor carrera di e atardi indubablemente tabata e ultimo pa e Copa di A. Klasse entre e mes tres ehemplar esta Joe Amstel, Nelly y

Benny. Atrobe Joe Amstel a tuma un ventaha na principio, pero e biha aki e no a logra aumenta e ventaha segun e vueltanan tabata pasando. Al contrario e promer vuelta a termina cu tur tres cabay practicamente pareu. E ventaha di Joe Amstel tabata di menos cu mitad curpa. Benny especialmente a recupera den e carrera aki y a duna gran bataya. Pero e jinete Zambrano a boibe demostra su dominio ariba Joe Amstel y a gura su ehemplar pa un victoria mas. Despues di e ultima carrera aki cu a cosecha hopi aplauso di e numeroso publico, e copanan a worde entrega pa e damanan miembro di APSV.

A.L.T.B. a eligi directiva nobo

(Di nos Sportreporter)

ORANJESTAD. — Den su reunion general di diarazon anochi pa reorganizacion Aruba Lawn Tennis Bond a eligi un directiva nobo. Den e directiva aki a worde nombra atrobe como presidente V. E. Henriquez y como secretario Matheo Reyes. E otro miembro di directiva ta F. de P. Wever, M. Lashley, Marquez, H. Kuiperi y M. Franssen.

Tambe a worde acepta durante e reunion pa haci algun cambio den e Statuten. E cambionan aki lo haci e trabao di e directiva nobo di ALTB mucho mas facil ya cu awor un club no tin mester di e reconocimento pa e mester di e mester miembro di ALTB. E restriccion aki cu tabata existi den e

Statuten di ALTB tabata impedi clubnan manera Esso Tennis Club y Lago Heights Tennis Club, cualnan ta club cu tin hopi tennista, di bira miembro. Awor e posibilidad aki ta existi y indubablemente lo e ta un gran ayuda. Aruba Lawn Tennis Bond ta existi for di anja 1954 caba pero cu excepcion di e partidonan di tennis organisa durante Semana ASU 1955 y 1956, e bond aki no a demonstra mucho mas actividad. Esaki tabata tin varios motibo manera falta di un directiva activo, cual atrobe tabata organisa pasobra dos miembro a bai for di Aruba y un tercer tabata studiando. Tambe un falta grandi tabata e parti financiero y canchonan neutral pa organisa campeonatonan di tennis. A worde discuti durante e reunion e posibilidad di organisa un campeonato interclub despues cu e campeonato di Lago Sport Park, cual ta worde reconocí como e oficial pa anja 1957, termina. Nos ta spera cu e directiva nobo di ALTB lo pone man na obra y tuma e pasonan necesario pa mas desarollo di e bunita deporte di tennis ariba nos isla.

Estrella a gana R.C.A. "B" 18-10

San Nicolas Jrs a gana pa default

(Di nos Sportreporter)

O'STAD. — Ariba cancha di Aruba Jrs diahuebs anochi a enfrenta otro e quintetonan di caballeru clase B Estrella y R.C.A. Pa ambos equipo esaki tabata nan ultimo partido di e campeonato 1957. Te den e tercer quarter e wegá tabata hopi pareu, pero den e ultimo quarter Estrella a sigura e victoria anotando seis punto.

E promer quarter a termina cu score 6-4 na favor di R.C.A. Pero den e segundo quarter Estrella ta logra empatia y na half e score tabata 8-8. Anotando cuatro punto den e tercer quarter Estrella ta bai ariba ponendo e score na final di e quarter 12-8 na su favor. Tambe den e ultimo quarter e jovennan di Sta. Cruz ta olicore e quinteto di Solito. E score final a bira 18-10 na favor di Estrella.

Maximo anotador di e partido a resulta E. de Mey di Estrella cu 12 punto, mientras cu C. Croes tabata e mihor di R.C.A. cu cuatro punto. Di e seis partidaron hunga R.C.A. a gana dos y perde cuatro, mientras cu Estrella a gana tres y perde tres. Pa e hobenan di Sta. Cruz e resultado aki den nan promer campeonato oficial por worde considera como hopi bon. No cabe duda cu coach Herman Fibuira a haci bon trabao cu su muchanan y a demostra cu e tin un equipo cu aki poco anja mester tene cuenta serio cune. Den e campeonato masculino clase B falta ainda tres partido pa e termina. E promer encuentro di diahuebs anochi mester tabata entre e equiponan femenino di Caribe y San Nicolas Jrs, pero Caribe pa segundo biha den e campeonato no a presenta y asina a perde pa default. Un victoria so e damanan di Caribe a logra den e seis salidanan, cual victoria tabata pa default ariba Rio Club. San Nicolas Jrs a obtene asina su quinta victoria den mes tanto salida y ta continua invicto faltando ainda e damanan di Estrella pa termina.

R.C.A.	Pos	Fg	Pf	Tf	Pts.
C. Croes	lf	2	0	0	4
E. Young	rf	0	0	0	0
E. Bardouille	c	1	0	0	2
L. Leafiez	lg	1	0	0	2
F. Bardouille	rg	1	0	1	2
		5	0	1	10

ESTRELLA	Pos	Fg	Pf	Tf	Pts.
L. Rasmijn	rg	0	0	0	0
C. Angela	lg	0	0	0	0
E. de Mey	c	6	0	0	12
M. Acosta	lf	1	0	0	2
A. Rasmijn	rf	2	0	0	4
I. Croes		0	0	0	0
M. Croes		0	0	0	0
		9	0	0	18


Time outs. R.C.A. 3, Estrella 2.

CANDIDATURA PA A.B.B.A.

(Di nos Sportreporter)

O'stad. — Di parti di directiva di ABBA nos a worde informa cu ainda tur club di baseball afilia na ABBA no a manda nan lista di candidatonan pa directiva. Varios club a entrega nan lista caba, pero ainda falta. E ultima fecha cu candidatonan ta worde acepta ta dia 18 di April. E reunion general pa eleccion di directiva di ABBA lo worde teni dia 25 di April. Nos ta spera cu e clubnan lo manda candidatonan cu ta consciente di nan responsabilidad y cu den e situacion un poco critico cu nos baseball ta aden actualmente lo sabi di traha y defende Aruba decididamente.

Terremoto na San Francisco esun peor for di 1906



Un serie di sacudimento di terra — e peor for di e disaster na anja 1906 — a causa na San Francisco mas di un millon dollar di danjo y miles di hende mester a hui bai riba caya. Tabatin basta hende herida. Mas ariba reporternan ta examina un kraak den Coast Highway na Zuid di California. Mas abao na izquirda un pida grandi di e highway despues cu un banda di e caminda a collaps. Na drecho un senjora ta sinta melinci di bickinan di comestible cu a hashá abao for di rekkinan den su tienda door di e terremoto.

Estad o Anzoategui, campeon di Venezuela, lo hunga na Aruba.

(Di nos Sportreporter)

O'STAD. — DiaSabra directiva di ABBA a ricibi cable for di Venezuela confirmando e viahe di e novena campeon nacional di baseball amateur di Venezuela Anzoategui, cual novena lo bin hunga un total di cuatro partido na nos isla. DiaHuebs dia 18 e equipo lo worde spera pa enfrenta un seleccion di Aruba. Lo worde hunga dia 18 mes y dia 20 anochi na Lago Sport Park, mientras cu dia 21 y 22 lo worde hunga atardi den Wilhelmstadion. Awe decision mester eai na Public Relations di Lago cu ABBA lo por haci uso di Lago Sport Park of no. Ta di spera cu e uso aki worde concedi ya cu di otro manera directiva

di ABBA lo mester cambia su programa y tal vez e resultado economico lo no ta mes bon. Si ta unicamente den Wilhelmstadion por worde hunga auto e programa mui probablemente lo ta diaSabra dia 20, diaDomingo 21 y diaLuna 22 tur tres biha atardi ya cu e iluminacion di Wilhelmstadion no ta ela ainda. E delegacion visitante lo consisti di 25 personas, di cualnan 21 ta hungador y manager, y cuatro invitados. Un di e invitadonan lo ta e Comandante Rafael Herrera Tovar, actual presidente di Instituto Nacional de Deportes, e organo maximo deportivo di Venezuela. Tambe e presidente di Baseball Bond di Venezuela, Sr. Angel Zambrano a worde invita pa presencia e enuentronan aki. Mui probablemente lo acompaña e equipo un madrina y e presidente di e Asocion de Cronistas Deportivos di Venezuela.

R. A. van Blaricum president di Lago Heights Club

SAN NICOLAS. — Despues di partida di sr. J. Wever for di Aruba au-


tomaticamente a bira presidente di Lago Heights Club e vice-president sr. R. A. van Blaricum. Durante di e reunion di e accionistanan di e club na October proximo un directiva nobo lo worde scohe.

E la destrui antene di auto, tres dia den prison

ORANJESTAD. — E hoben B.H. cu anja pasa na luna di October ora e tabata para tabata weta fiesta di broud a destrui antene di auto di H.G. mester a duna cuenta di esei dilanti di huez. Huez no tabatin mucho pregunta, como e hoben a admiti cu e la hasie y asina oficial a tuma palabra.

Mr Bouwer no tabata masha contentu cu e destruccion di e hoben el na e auto y e la exigi fl. 50 di boud, embe pa paga e danjo di fl. 20. y un castigo incondicional di prison si e hoben holbe comete algu asina atrobe. Pero huez a duna e hoben tres dia di castigo den prison.

Reina di 16 anja



Francoise Belin tin solamente 16 anja, pero ya ela logra gana e titulo di Reina di Mortmartre na Paris. E ta traha como modelo.



PLEASE MAMA, MORE MILK

No wonder he's so eager for more ... it's NIDO; delicious, nourishing NIDO.

NIDO is made from rich, full cream milk from which only the water has been extracted. It offers you an unfailing supply of safe, pure milk, in convenient and economical form, which stays fresh to the last spoonful. Ask your grocer for NIDO today.



NIDO
FULL CREAM POWDERED MILK

DRINK MORE MILK — DRINK NIDO

Dennis, de Schrik van de Buurt

MAAR.....




Ik maak mezelf moe, anders kan ik niet slapen.

Mi ta cansa mi mes curpa, sino mi no por drumi.

GEEN GEVAAR, N.E.N. IS DAAR...

"Arubaanse Courant", een uitgave van
N.V. Arubaanse Drukkerij- en Uitgeverij-
maatschappij N.V.
Nassaulaan 14-Corona Bldg., Aruba.
Directeur-hoofdredacteur: G. J. Steerlinckx
Gedrukt bij N.V. Drukkerij "De Ster" -
Telefoon: 1114-Directie en Advertentie
2116-Edactie en Abonnementen.
Lasse exemplaren ARUBAANSE COURANT
in San Nicolas verkrijgbaar bij
Union Store, Mainstreet.



Apuntes editorial

Gobierno a tuma, asina e des-
quello di e asuntonan durante e
ultimo siman ta mustra, eviden-
tamente e punto di vista cu, si
esta UEC kier worde recono-
cido como e organo pa negocia-
cionnan den asunto di un conflicto na
Lago, ante lo e mester proba
prome di tin mayoria di e tra-
haderonan su tras.

E punto di vista aki, den su
rigoridad, segun nos ta comple-
tamente husto.

No tin ningun sentido trata
cu representantenan cu no ta
worde sostene door di esnan cu e
ta bisi cu e ta sali pa nan.

A pesar nos ta kere cu Go-
bierno na a haci bon di bisi cu
esaki awa. Pasobra na tin ningun
candidato cu esal ta prescribi; ta
na November ultimo cu Minister
di Justicia a laga sabi, cu un
raad ta worde reconoci na caso
cu esal resulte door di eleccion-
nan liber y secreto y na caso cu
e reglamentonan na ta en pugna

cu ley. Pesu nos la kier a bisi;
pakiko no cambia prome e Ar-
beidsgechiilenverordening den
e sentido manera Gobierno ta
desee, ante despues bini cu e
exigencia ei.

Awar un precedente peligroso
ta warda forma.

Por lo demas hende ta hanja
e impresion cu den asunto di e
lucha pa sa ta kende por fin por
representa e trahadornan sercu
Lago, a bira difícil pa weita e
realidad den e tanto discusio-
nan. Na e momento aki e cam-
pleacionnan tecnico y juridico
ta difícil tur adelanta den e
asunto, y mientras ta atri-
buto entre e trahadornan,
compañia y gobierno ta bruha
mas y mas. E resultado lo ta cu
ora cu representacion que sea
sali eligi, lo e mester bai cumin-
za lamanta e asunto huntu cu di-
rectiva far di cuminamento a-
trobe, di modo cu lo no tin en-
tendimiento cu otro ni confianza
mas, y esei lo no resulte bon pa
ningun hende.

PAGINA TRES

Dodgers a ripiti victoria ariba
Camel pa tuma liderato

(Di nos Sportreporter)

ORANJESTAD: — Den nan segundo encuentro di e campeonato 1957 AA e
novenanan di Dodgers y Camel a bothe duna un bon partido. A trobe e no-
vena di Dodgers a logra supera nan temible rivalnan. Despues di a conta cu
bon pitcheo di Donald Parrottlet pa obtene nan promer victoria ariba Ca-
mel, ayera mainta e zurdito Lejuez a domina e toleteronan cigarillero. Le-
juez a cubri henter a ruta pa su equipu. E ultimo hit cu a worde conecta con-
tra di Lejuez tabata den e quinto inning pa e agil Reid, pero den e siguiente
cuatro inningnan ta unicamente pa error e hungadornan di Camel a logra
embasa. Harold Hughes, kende a carga cu e derrota, tabata e pitcher abridor
di Camel, pero despues di a yena base den e sexto episodio e mester a cede
su luga na Baptiste.

Den e promer inning caba Dodgers
a logra anota tres carrera, pa tuma de-
lantera. Abridor Martin a embasa pa
deadball. Despues cu Hodge tambe a
embasa Hofstijzer tratando di sacrifica
ta pone un toque pero e tiro di pitcher
Hughes pa tercera base ta malo y asi-
na e dos promer careeranan ta worde a-
nota, mientras cu Hofstijzer a yega te
segunda. Abraham Lake ta conecta e
promer hit di e partido pa rightfield y
luego ta roba segunda. Richardson ta
e promer out cu fly pa tercera, pero Hal-
ley ta conecta di hit pa center empu-
hando Hofstijzer. Tratando di roba Hal-
ley ta e segundo out, mientras cu Ma-
ta ta completa e tercer cu ponche.

Camel ta responde cu un carrera den
nan turno di e promer inning ora cu
despues di un out Patterson ta conecta un
bestial batazo cu a hanja e leftfielder
Hodge completamente pa e promer
homerun den Wilhelmstadion di e
temporada 1957. Pero Hernandez a si-
gu cu hit pero e dos siguiente batea-
dornan no a logra embasa. Cerando e
segundo inning Camel ta anota dos
carrera mas pa empatar e partido. Des-
pues di un out Hughes ta conecta linea
di hit pa centerfield. Un hit di Pep Ri-
chards ta permiti Hughes yega te ter-
cera mientras cu den atrevido coring
Pep ta alcanza e segunda base. Habrien-
do hopi na tercera Hughes ta provoca
un mal tiro loke a permiti Hughes a-
nota e carrera di empate. Reid ta e
tercer out cu rola pa shortstop. Dod-
gers a amenaza seriamente den e cuarto
inning ora cu pitcher Hughes a regala
base por bola na e dos promer batea-
dornan, pero Richardson a worde sor-
prendi na segunda pa perfecto tiro di
catcher Patterson. Mata y Diddler ta
come ponche. Pero den e quinto si
Dodgers a logra anota un carrera. Le-
juez ta embasa pa base por bola y lue-
go ta roba segunda. Rolling di Hodge
pa shortstop ta adelanta Lejuez te ter-
cera. Hofstijzer ta conecta e hit remol-
cador pa su equipu bai adelantando a-
trobe. Lake tambe ta sigui cu hit, pero Ri-
chadson ta poncha pa out number tres.
E descontrol cu Hughes a cumenza ta
mustra den e ultimo dos inningnan ta
yega den su colmo durante e sexto in-
ning, ora cu despues di un out e ta re-
gala base por bola na Mata, Diddler y
Lejuez consecutivamente. Esaki tabata

basta pa Hughes kende ta worde pasa
pa leftfield saliendo Reid di e partido
y drentando Baptiste. Ramon Hodge a
pasa defende e segundo sako. Baptiste a
drenta hanjando e basenon completa-
mente ocupa y enfrentando e line-up
abridor. Pero Martin a conecta rolling
directo den su man cu su segundo lan-
zamento y esaki a resulta den un doble
matanza pa home y primera, saliendo
Camel asina di un apuro hopi serio.
Den e octavo sinembargo Dodgers ta
aumenta su ventaha anotando un car-
rera mas. Richardson ta habri e inning
cu fly largo pa leftfield cu ta bira tri-
ple. Halley ta conecta fly facil pa
rightfielder Richards ansioso pa tira
home ta laga e bala cai y asina Richar-
dson ta anota y Halley ta embasa pa e-
rror. Mata ta e promer out pa e via
4-3, pero Halley a adelanta den e hu-

gada, Diddler ta ricibi, pasage gratis,
Lejuez conectando rolling pa tercera ta
forza Halley na e antela, mientras cu
Diddler ta e tercer out tratando di roba
tercera den un bugada masha preta y
dudoso. Pa sigui nan victoria e na-
vena di Dodgers ta anota tres carrera den
nan ultimo oportunidad. Martin ta ha-
bri embasando pa error di tercera base
Jones. Hodge ta ricibi base por bola y
ambos ta adelanta ariba sacrificio di
Hofstijzer. Hit di Lake pa leftfield ta
empuha Martin, mientras cu Hodge ta
adelanta relativamente facil di Richar-
dson ta bira hit ora cu leftfielder Hug-
hes no ta trata di atapa e fly y asina
Hodge ta anota. E falta di atencion a-
ki a haci cu Hughes a worde retira for
di e partido pa su manager. E tercer
hit di e inning conecta pa Halley ta
empuha Lake. Mata y Diddler ta cerra
e inning cu rolling pa pitcher. Camel
for di e segundo inning no a logra an-
ota mas contra di e zurdito Lejuez. Cu
e victoria aki Dodgers a bothe pasa na
cabez di e campeonato. E posicion di
e equiponan incluyendo e partido di ay-
er y e victoria di Nesbitt diaviera an-
chi ariba Chesterfield na Lago Sport
Park cu score di 10-4, ta lo siguiente:

Club	Wh	Wg	Wp	Ave
Dodgers	6	5	1	835
Camel	6	4	2	668
Nesbitt	5	3	2	600
Lucky Strike	4	2	2	500
Chesterfield	5	1	4	200
Heineken's	4	0	4	000

E copanan pa e campeonato di
basketball

(Di nos Sportreporter)

ORANJESTAD: — Manera nos a
yega di informa caba dia 2 di Mei
presentacion di e copanan na e di-
ferente campeon y subcampeonnan
di basketball 1957 lo tuma luga ariba
cancha di Estrella na Sta. Cruz. Di
cada division lo worde hunga un
partido entre e campeon y un selec-
cion. Pa e campeon den e division
femenino a worde duna un copa pa
Aruba Basketball Bond, mientras cu
pa e subcampeon Aruba Trading
Company a duna un copa como re-
presentantenan di E. & M.

San Nicolas Jrs ta na cabez di e
division femenino y ta practica-
mente imposible pa e worde destron-
a. Awe anochi ariba cancha di Caribe
nan lo hunga nan ultimo partido. Den
e segundo puesto nos ta hanja Vi-
ctoria cu tambe poco chens di wor-
de destrona. Pa e campeon di caballeros
clase B a worde duna un copa pa
Veld Store como representantenan di
Seven Up. E subcampeon den e clase
aki lo ricibi un copa di Tropical Bot-
ling Company. Aunke e falta un
partido ainda Watapana por worde
considera como campeon den e divi-
sion aki. E mihor candidato pa e su-

campeonato ta te ainda Chinese Club,
cual equipo tambe falta un partido
ainda. Pero un empate ta posibel ain-
da.

E quinto campeon masculino clase
A, esta R.C.A. lo ricibi un copa dona
pa Aruba Trading Company como re-
presentantenan di Schlitz. Pa e sub-
campeon A.B.B. a dona un copa.

Actualmente Caribe ta den e mihor
posicion pa ocupa e subcampeonato,
pero e posibilidad di un empate cu
Chinese Club ta existi ainda, ya cu
awe nochi e resto di e partido contra
di Aruba Jrs ta worde hunga. Si
Caribe logra gana e partido contra di
Aruba Jrs nan lo ta subcampeon, si-
no lo tin un empate den e segundo
puesto.

For di awe te dia 22 e copanan
aki por worde admira na Mansur
Trading Company na Oranjestad y
for di dia 22 te dia 29 na Mansur
Trading Company na San Nicolas.
Awe nochi ariba cancha di Caribe lo
worde hunga e partido femenino en-
tre San Nicolas Jrs y Estrella y e mi-
dad partido di caballeros clase A en-
tre Aruba Jrs y Caribe.

Cumpleanjos feliz

Pa cortesia di

KAN

E MEHOR cas di Regalo

Diadomingo e hobencita Eta Paskel
a ricibi felicitacion di su mama y tata,
rumannan Elia, Beti, Lulu, Manda,
Hodi, Ronny, Dora y Nico Henriquez,
cu motibo di su cumpleanjos.

Senjora Rosa Leest, kende ayera ta-
bata celebrando su fecha natal, a ser fe-
licita afectuosamente pa su esposo Do-
minico, su tata Hose, mama Cornelia,
rumannan, wela Martilda, Jan y su sen-
jora Elsa Croes y Carlos y Arlene
Croes, amiganan Ingrid Arends, Seno-
via Croes, Sentia Maxwell y especial-
mente Dora Lampe.

A cumpli 7 anja di edad ayera e ho-
bencita Lidwina Hernandez, pa cua-
motibo ela ricibi felicitacion di su ma-
ma Maria, su tata Mencho, rumannan
Chijena Thiel, Poli, Ildo, Dora, Catha-
rina, Olga, Fernando, su cuñanan Di-
di Thiel, Chantilla Hernandez, su esi-
mada subrinonan Silvio y Vilma, su a-
miganan di Maria Goretti School na Pa-
radera, su tanta Bernadina, primanan
Sara, Nora, Catharina y Thelma, pri-
monan Seferino, Andres, Vicente,
Franklin Kelly.

CADA REGALO TA BONBINI
PERO DOBBEL BONBINI TA
Ua REGALO compra serbi

KAN

Nassaustraat 47 - Oranjestad

Su rumannan y su mama Eugenia
Croes, ta laga felicitae Pedro Telmo
cu a haci siete anja ayera.

Tambe na Simon Toribio cu a cumpli
12 anja diadomingo ta recibiendo hopi
pabien di su rumannan y su mama Eu-
genia Croes.

Nos tin riba nos lista awe number di
seniorita Flora, cu ta ser felicitae pa su
mama y tata, rumannan, subrinonan, su
amiga Lin, Cila, Rafaela, Maria, Dita,
Wanita, Sella, Win Frank, especial-
mente un persona.

Diadomingo tabata di fiesta seniori-
ta Loeftest, cu a haci 21 anja. Felici-
tacion ta bai pele di su mama, rumannan
Anzel, Carrien, Jan, Maria, Juanita,
tanta Sera, su primo Chico, amiganan
Lucia Albertus, Emilia Loeftest, Jacin-
tha Paz, Emerita y Francisca Rasminj,
Siria, Nora, Rosalinda, Julia Delany,
Maria Luisa, Nini Paula, Ramona Pie-
ters, Neera Corona, Lucia Webb, Dina
Boekhoudt, Claudina Maduro, Trifona
Barreth, amiganan Anivio Becker Se-
ferino Kelly, Toni Dijkhoff, Feliz
Geerman, Rafael y Betto Ruiz, su pri-
ma Thelma Hanst, primo Welmo Hanst
na Corsow.

Nos tin e placer di felicitae tambe e
hobencita Lidwina Florentina Werle-
man cu a cumpli su prome anja diado-
mingo, na number di su mama Modesta,
su tata Pedro, especialmente su ma-
drina Bertha Geerman, su padrino
Antonio Morillo, tambe di parti di An-
nie Geerman y demas familia.

E simpatica seniorita Petra Maria
Croes, kende a haci 19 anja ayera, ta
ricibi hopi pabien di su tata Jendi, su

Pa aviso y tur correspondencia pa "Ar-
ubaanse Courant" dirigie na:
Nassaustraat 47, Oranjestad.
Telefoon 1116 - Directie y Aviso
2116 - Redaccion y Suscripciones.

Numero sueto di ARUBAANSE COURANT
por worde obtene na San Nicolas
na Union Store, Mainstreet.

AGENDA
Dialuna 15 di April
8.00 M. DE VEEB TIEATHE 20.30: Son of Sinbad
12.00: HAITO 20.00: Below the Deadline
PRINCIPAL 20.00: The East Hunt
AURORA 19.30: Timber Country Trouble
SAVANETA 19.30: The Leather Saint

SOTICA OI WARD
Oranjestad: Botica Oduber

PARTERA, ENFERMERA, ETC.
Zuster Braumuller, tel. 1350.
Nassaustraat 42, Oranjestad.
Zuster M.E. van der Mark, tel. 1507,
Rondweg 6, Dakota.

RADIO KELKROOM
201 m. - 1435 kel.

11.30 Miguel Acevez Mejia
11.45 Luis Quintero
12.00 Lunchmuziek
12.25 Nieuwshorizont
12.45 Musica Norteamericana
1.00 Musica cu Tumbas
1.15-1.30 Tony Arular
4.00: Programma Cita a las Cuatro
4.30 Programma van Winco
5.00 Programma van Winkel
5.30 Sonora Matancera
6.00 Alte Hies Programma
6.15 Cumpleaños Feliz
6.30 Diermuziek
6.45 Chica deportiva
7.00 Noticia (Esp.)
7.15 Pedro Infante
7.30 Musica na Hulandes
7.45 Nieuwshorizont
8.00 Musica Norteamericana
8.15 Novela Mia o de Nadie
8.30 Los Brindis
8.45 Jorge Negrete
8.55 Nieuwshorizont
9.00 Peliculas
9.30-10.00 Musica varia

VOZ DI ARUBA
457 m. - 455 kel.

08.00 Apertura
08.05 Dushi amanecer na Aruba
08.30 Mafanilla Antillana
08.45 Ritmo's Chachacha
09.00 Dedicacion na oyentenan na exterior
09.30 "Parada Internacional" - musica for
di diferente pais
09.50 Musica (te 12.00)
12.00 Apertura
12.05 Melodias Hulandes
12.15 Noticia Internacional y Antillana na
Hulanda
12.30 Selecion di meridia
12.35 Mundo en marcha
12.45 Noticia Antillana
12.50 Mexico canta en su radio
12.55 Novela "Don contra el mundo"
13.00 Clausura (te 16.00)
16.00 Apertura
16.05 Complacencia Rev de Copas
17.00 Ora infantil (Hulandes)
17.30 Variedad musical Hulandes
18.00 Mario S. Arends presentando:
"Bo oratorio de la vida"
18.30 "Hemo, un producto Borden"
19.00 Pabien y melodias popular
19.30 Nieuwshorizont
19.45 Chica deportiva
20.00 Noticia y comentario na Ingles
20.30 Novela Colgate Palmolive
21.00 Resumen semanal di Antillas
21.15 Un programa varia na Hulandes
22.00 Y finalmente: un mei ora di musica
clasica
22.30 Clausura

y... MESKER ta drecha mi
MEUBELMAN

mama Noveva, rumannan Rosa, Calio,
Chebito, Carrientej, Carmen, Ninita, A-
le, Alex, Martino, Maria, Sella, su we-
lo y welanan, tanta y omonan, primo y
primanan, amigo y amiganan y demas
familia.

Su esposa Anselma, jiuana Freddy,
Lucia, May y Roland, Longeno, Leon-
cio, Aida, Inchi, Beto Maduro ta laga
felicitae senior Pedro Dagne cu a cum-
pli anja ayera.

Ademas nos ta desea e siguiente per-
sonanan cu tambe a haci anja diado-
mingo, hopi pabien: Willy Walter Chai,
21 anja; senior L. Dirksz, 62 anja; sen-
ior T. R. Palm, 38 anja; senior Marcia-
no Arends; Carrientej Kelly; senjora Ja-
cintha D. de Ras, 27 anja; Thelma Is-
elia Croes, 2 anja; Pedro Werleman, 13
anja; Gladys Meredith Ras, 4 anja;
Anna Maria, Yarzagaray, 16 anja; Pe-
tra Geerman, 26 anja; Daniel Valeria-
no Croes; Florita, Martin Bislick, 32
anja y senjora Adriana Maduro, 56 an-
ja.

ofrece i cu toch Charlotte no tabatin
derecho di pidie.

Vivian a queda para su dilanti. Cu
un risa desagradable el a saluda Do-
minic.

"Bonochi, Unwin. Mi no a spera
di por a mira nos miembro di camara
asina ocupa riba dansvloer".

"Qui tal di bo, lord Chase? M'a
quere cu bo tabata riba e biache di
regreso di India?"

"Si ta bo deseo..." el a responde.
E no tabata desea esai absoluta-
mente. Mas bien e tabata preferi di
quede sidi aqul, pega cun'e, asina
algo pega cu e por a sinti e calor di
su respiracion i contempla su cara
bunita di acerca. Pero e no tabata
confia su mes... e mes, cu semper
por a dominie asina tanto, awor tabatin
miedo di su mes den cercadia di
Charlotte.

El a pasa su mad rond di su cin-
tura i a guie na sala di baile.
I e ora ai nan tur dos a sinti un
sensacion cu tabata ainda masha deli-
cioso, mas excitante, mas peligroso,
cu e peligro cu Dominic quier a hui
p'e foi riba e sofa. E ora ai e a per-
miti su mes na primi su man un poco
mas duro. Su bistanan tabata penetra
mas profundo den estian di dje i e
tabata sa tambe cu sin ningun coque-
teria, sin berguenza ningun, Charlotte
lo a corresponde su slmfimentonan.

E no por a quita su bistanan foi
Charlotte, sinembargo nan tabata ba-
lia digno i calmo bai, manera e wals
tabata exigi. Pero ora cu e wals a
termina, Charlotte tabata tembla. I
Dominic a seca su frente cu un len-
so fin i caro. Nan a bandona e sala
di baile. Un hombre grandi i balente
a camina bin contra nan.

Imediatamente Dominic su cara
a cambia... pasobra den e hombre
aqul el a reconoce Vivian, aunque cu
esaki a bira masha gordo.

"Lord Chase", el a grita.
Charlotte a queda para manera pa-
raliza. Tur sangre a palidece den su
cara. Tabata visible cu el a queda des-
agradablemente sorprendi pa Vivian
su aparicion repentina. Cu wowonan
ancho abri el a queda ta mira Vivian
prome i despues Dominic. Den e bista
aqul tabatin un ansia i pena indescrip-
tible, un bista cu tabata suplica auxi-
lio; un auxilio cu Dominic no por a

(E ta sigui)

Un di cada cuater persona
fin e fastidio di menos bon
bista

Preveni bo di e handicap ey:
laga samina bo wowo.

ODUBER & KAN
Opticonan den Nassaustraat No 47

CORONAS
JAPI
CIGARROS DE CALIDAD
DISTRIBUIDOR
JACOBO E. CROES
ORANJESTAD STORE
ARUBA, A. H.

GRADICIMIENTO
Pa medio di esaki nos kier extendé nos mas sincero gradici-
miento na tur soeurnan di hospitala San Franciscus, na soeur
Sophia di Cas di Sosiego, na dokter, amiganan y conocirnan cu
a mustra nan atencion durante malo y morto di nos inolvida-
ble esposa y tata

ANTONIUS DAMMERS
Na number di tur familia
VDA. ELAIZA DAMMERS
Bonaire

Miro
pa dia,
e dia mas
importante
di
bo bida
jega

bo tin un
renchi di compromiso
o
CASAMENTO
adecuado
cual en realidad ta un **RENCHI**
pa henter bo bida.

RENCHI DI DIAMANTA
di Fl. 35. — p'ariba
RENCHI DI ORO
di tur prijs.

KAN INC.

Oduber & Kan inc.
Opticians tel. 2193

TA PRESENTA

Charlotte y su fatal destino

pa TUYUCHI:

No. 36

"Si aya mi ta biba te ainda, alo-
meos ora cu mi ta den ciudad. Ma-
nera quizas lo bo por a yega na ten-
de, mi mama di crianza tabata grave-
mente malu i ta p'esai ultimo verano
m'a pasa na Englesby".

"E ta poco mas mehor awor?"
"E ta un poco mehor, pero ainda
hopi malo".

"Qui lastima... mi sahi cuante
bo ta stim'e. Pero pa nos cambia di
curso mi mester bisa bo cu ultimo
temponan ta masha poco bez mi cu
Vivian a mira Cecil".

"Ai, e ta haci manera e ta masha
druk... su majornan no ta mucho
satisfecho di dje".

Awor e conversacion a bai trobe
ring nan familia i conocirnan: esaki
tabata cont'e di su tres yiu muhenan.
E tabata scucha cu masha atencion
i el a comprende cu e muhe aqul ain-
da no a conquista ai e paz, ni e felici-
dad cu enbasa e tabata anhele n'e.
E tabata harti; e tabata papia adina;
e tabata parece encantada. Pero tabata
queda semper un sombra di verdiet
i desenganjo riba enter su persona. Ri-
ba su mes casa e tabata combera
masha poco. Dominic tabata sa ma-
sha bon cu ta Vivian tabata origen di
su verdiet. Pero ora cu el a cuminza
ta dima un descripcion di su yiu mu-
henan, principalmente Eleonora, su
cara tabata brillá.

"Bo ta recorda ainda dia di su bau-
tizo? E tempo ai e tabata asina chi-

quito ainda. Awor e ta mitar dani
caba... i ta bini un mucha bella
Ademas di esai e ta masha inteligente
tambe pa su edad".
"E ta parce bo?"
"E ta parce su wela, lady Eleonora
Chase".

"I e otronan?"
Beatriz ta precisamente mescos cu
su tata. I Victoria tambe ta bin parece
su tata".

Tabata reida un momento di silen-
cio entre nan dos, cu a ser interrumpi
ora cu Charlotte a cuminza ta papia
over di e politico su obranan.

E tabata conta Charlotte awor to-
cante su actividadnan, riba su speranza
i su temor pa porvenir.

"E asunto di inactividad t'e cos di
mas peor", e politico a bisa. "T'esai
ta causa mi mes rompecabeza cu tur
otro cos".

Charlotte a sagudi cabez.
"Si, m'a mira un aglomeracion di
hombre dia cu mi a pasa Trafalgar
Square".

"Te cu nos mester a manda poliz
riba nan pa pone orden trobe?"

"Si".

"Ta terrible... e anja aqul dos
tabatin basta dificultad caba i lo bira
peor ainda".

"Ta quico lo por haci pa combati
esai, Dominic?"

"Esaki ta difícil pa bisa cu dos
palabra", el a responde. "Lo mi tin
masha deseo di yuda e hendenan

EL CISCO KID

Por José Solinas y Rod Reed



E mama di e Huez ta bai habri porta ora nan a bati y ta contra e cohero para su dilanti cu un cara morto sparta, cu ta puntra: „E Huez ta na cas?” „E la caba di sinta na mesa pa e bai come, Lucas”, ta e respuesta di e mama. Pero sin embargo e bon senjora ta laga Lucas drenta pa e relata loke a pasa nan... cos ta urgente, senjor Huez”. Lucas ta bisa, „Dos bandido a ataca e waag di pasahero.” E Huez ta para scucha e pover homber bieuw yen di atencion y ta lamta para tor di su stool pa e sigui tende di Lucas: „També nan a mata Kelly.” Hm, es-

aki ta algo serio mes, e Huez a pensa mes ora y ta dicidi di no perde mas tempo, sino mira kiko e por haci ainda. A pesar di su gana di saborear e cuminda doeshie cu su mama a caba di prepara pele, e ta dicidi di bai cu Lucas, bisando su mama: „Warda mi cuminda pa mi, mama... lo mi no hanja mas apetiet te ora mi captura e culpablenan ey”. E mama ta mira poco tristu, pero kiko e kier haci, su jioe mester bai yuda e desafortunadonan.

Tom Richardson, e detective di fama mundial

E MISTERIO DI DEN E ZOLDER

Pa TUYUCHI

Borton a primi ambos mannan na su cabes ardiente. „Un asesinato di ruman. Stop, Sr. Richardson. Esaki ta terrible. Solamente pensando riba tal cos sol. ya mi ta estremecer. No, esaki ta imposible!”

E detective a lamta para. „Bo ta comprende mi bon? Mi ta bisa bo cu e asina e asunto ta; loke mi ta haciendo ta solamente calculo. Pero bam mi, Senjor Borton. Laga nos bam huntu riba e zolder”. Nan a bandona e curio di estudio i huntu nan a bai na e piso di zolder. Aya nan a hanja tur e cos aña den e mes estado manera e anochi anterior di calamidad.

Ainda e panjanan awa tabata cologa na waya; ni e kokki ni e camarera no a risca subi riba e zolder mas.

Richardson a queda ta ripara e luga aya cu un sorto di satisfaccion. Unbez el a cuminsa cu su investigacionnan.

Primamente el a bai n'e muraya, na unda tabatin e haak di heru. E eubuya camina Sr. Borton tabata horka ainda tabata aya bao riba suela. E detective a ripara esaki i a investiga e eubuya cu masha escrupulosidad.

Luego el a compara esaki cu e

otro cabujanan na unda e panjanan tabata cologa i a bisa: „E ta un pida dje mes cabujanan aya!”

E no tabatin mester di mucho tempo pa el a conclui esaki. Un bista tabata suficiente pa Richardson comprende tur cos.

„Aqui e eubuya a ser corta; i e asesino a usa un sambechi skerpi pa haci esaki. Mira com plat e banda dje punta di eubuya a queda”. Senjora Borton a camina cu sambechi den sacu?

„No, nunca!” „Ora cu nan a hanje aya ahera tardi, e no tabatin eubuya huntu con e”. Tampoco den sacu di su shimis no tabatin nada.”

Richardson tabata sagudi cabez.

„Esaki sol ya mester por tabata pa e poliznan un indicacion, net contrario di loke inspector Tomsen a declara. E parti aya sol caba dje misterio di den zolder, tabata sospechoso.”

Despues e detective a cuminsa ta investiga cada dje dje vloor, luego cu escrupulosidad el a queda ta ripara e laken di cama tras di cual nan a hanja e defunta.

Diripiente el a cuminsa ta mira mas

cu el a distingui algo, principalmente e mancha cu a queda tras riba e laken, causa pa un obetto sushi. Mas prudente posible el a tuma esaki over i a skirbi algo prudentemente den su librito. Luego el a bira su mes pa Sr. Borton.

„Ora cu b'a hanja e cadaver di Senjora Borton, b'a larga e laken cai abao na suela, n' ta 'sina?”

„Si!” „Bo mannan tabata limpi e ora ai?” „Ta claro cu tur dia cu mi sali oficina ta bini cas, mi ta laba mi man limpi-limpi!”

Richardson a cohe man di Borton i a queda ta vigile cu escrupulosidad cada dje apart.

„E marca di dedenan aya no ta esnan di b'i easi sigur nan no por ta di bo muhe tampoco, quende naturalmente tin, dende smal. Luego ta imposible di acepta e!” e por a bini riba zolder cu dende sushi ora cu e tabatin idea di bin quita panjanan foy waya.”

„De la manera, cu bo ta meen anto cu e marcanan aya lo ta di e asesino?”

Richardson a sagudi cabez aprobativa. „Luego el a sigui su investigacion. Bao di un dje bentanan di dak el a queda para. Cu atencion el a queda ta contempla na e parti dje vloor cu tabata queda net bao dje bentana!”

STOOF
TEXAS FURNITURE STORE
Emmstraat 5 - Tel. 1082 - 1083

Luego el a rancia e bentana ari i a bula riba dak door dje bentana. El a queda riba e dak steil aya como 10 minuut i a regresa despues trobe riba zolder.

„Asina, aya riba alomenos nos no tin nada mas di busca”, el a bisa. „Lo mi por mira e cadaver un rato?” Sin papia un palabra nan a bai na e piso abao i a drenta e cuarto, na unda Senjora Borton tabata drumi den su caha.

E detective a euminza ta cohe e mannan blanco dje cadaver ta ripara i tabata compara e dedenan aya cu esunnan cu el a mira riba e laken. Un rato el a sagudi su cabez. Luego el a pasa man riba frenta dje defunto i a striki i hala su cabenan abun dante riba su cabez. I awor escrupulosamente e tabata ristra e cabez. Na diferente camina e tabata hala cabenan unbanda pa e por a mir e seso mehor. Ora e examinacion aya terminaba el a bisa Senjor Borton solamente:

„Bam cu mi, Senjor Borton”. Esaki a bai trobe cu e detective den su oficina. „Senjor Borton, bo presintimiento nan no a gana bo. B'a haci masha bon di no a drenta cu ideanan dje coroner i e dokter fuera Inspector Tomsen i manda fama mi.”

„Bo pover muhe a ser asesina na un manera baho i su asesino ta pensa di mata bo tambe e mes manera!” John Borton a bira bleek.

Awor cu Tom Richardson a comprobé na un manera asina sigur cu su sospechonan terrible tabata exacto, el a sinti un ansia sin limite ta podera di dje.

„Ta horrible. Pero mi ta supone cu lo bo proteja mi dje peligro terrible aya cu ta amenaza mi anto!” „Ai, Senjor Borton. Queda bo tur tranquilo, pasobra morto di bo senjora infortunata lo ser venga. Esaki bo por bien larga noma na mi cuenta, asina sigur cu mi nombre; ta Tom Richardson.”

„Bo mester queda tranquilo cas. Mi n' ta quere cu e asesino lo cuminsa algo contra bo foy awor mes caba. Tuma e revolver aya di mi tanten, pasobra e malbado a horta esun di bo foy bo fachi. Si bo tin un arma huntu cu bo, esai lo duna bo alomenos un sorto di sintimento di seguridad.”

„Mi ta bai directamente na Hoboken i mi ta bolbe trobe i lo mi bin bisa bo quico nos lo tin di haci. Na unda bo tata tabata biba e tempo na Hoboken?”

„Den Mill Street No. 23.” „I Jack Mertens tabata biba cerca dje?”

„Si. E tabata semper cerca su tata.” „Bueno. Mi ta bai mira cu mi no por logra hanja algo sa di dje.” „Mi Dios! Bo ta quere cu en realidad Jack Mertens lo por ta e berdadero culpable?”

„Esai mi no por tribi na segura bo. Sin embargo manera m'a splica bo

caba, cu e sol ta e unico persona cu por tin interes den boso morto. Te sol ta bini na remarca. Mi ta casi conveni cu si no te mes ta asesino, anto lo ta un otro cu el a paga pa dje esai. Quiza cu anochi lo por trece nos tur seguridad di esai!”

Despues di esaki Richardson a bandona Borton, quende a queda tras den excitacion di mas grandi.

Como cu e tabata un homber di negoshi, e no por a forma su mes un idea, eom ta posible cu un hende por a dispidi un million di dollar den termino di diez aña. I ta hustamente p'sai tambe e tabata duda masha tanto den Richardson su teoranan.

„Mas descubrimiento” Tom Richardson a bati klok na segundo piso di Mill Street No. 23. un muhe anciano a abri porta di un eas masha simple.

„Quico bo ta dende?” E detective a salud'e carinosamente.

„Mi quier a tuma algun informacion di bo. Bo tin hopi tempo caba ta biba den e cas aya?” „Si, casi binti aña.”

Richardson a sagudi cabez. „Esai no por ta. Bo mester ta equivoca bo?”

„No. Absolutamente. Paquico bo ta pensa cu no por ta?” „Pasobra 10 aña pasa ainda e cas aya tabata pertenez na millionaire Mertens”. Richardson a declara.

„E tabata biba aya solitario cu su viu i su criaman?”

„Asina, ta en realidad. Pero m' tabata cerca e anciano Sr. Mertens despues m'a bini como crier cerca Jack Mertens.”

„Ahm. Anto esai ta un otro asunto trobe. Ta hustamente over di Jack Mertens mi tabata pensa na haci bo algun informacion”, e maestro a bisa. „Lo bo quier duna mi esai?”

„I como na e mes tempo el a duna e anciano un billete den 5 dollar den su man, esaki su cara a cambia bira masha carinoso unbez.”

„Drenta bo, senjor. Lo mi conta bo tur loke mi sa dje caballero ai”. E maestro a drenta awor den un cuarto masha nechi muebla i a euminza unbez cu su encargo:

„Tin como 10 aña pasa caba cu Jack Mertens a bai Inglaterra; n' t'asina?” „Si.”

„I paquico el a bai aya?” „El a bisa mi cu aya lo e por goza mas di su vida cu aya!”

„Esai mi ta quere! E ora ai el a bende tur e cos i a bai.” „Hasta e cas aya tambe el a bende. Pero como mi tabata asina tanto custumbra aya, ta p'sai m'a huer e cuarto aya cerca e donjo nobo. Mi ta tene mi estado cu laba i strika panja!”

„Mi ta comprende bo. Un hende mester haci quico cu ta pa e biba. Pero pa nos no haci e conversacion mucho largo, bo quier bisa mi ta qui sorto di homber Jack Mertens tabata?”

„E tabata un bon persona. Un fout e tabatin, mescos cu nos tur tambe por tin. E ta bira masha terrible i masha lihe pa un soquetada. I hopi bez m'a bisa den mi mes, cu un nende cu ta bira asina driftig ta na esai tambe cu quico dia di haci cosnan p'or. Foy mucha caba e tabata haci cosnan extravagante. I e tabatin haci cosnan mucho mas malo pa su edad. I nunca su tata no tabata castig'e pa esakinan. El a malcrie.”

(E ta sigui)

REMITIDO (Fuera di responsabilidad di Red.) HISTORIA TA RIPITI SU MES Lago atrobe den forum politico?

Cumpliendo cu mi promesa di anja pasa ora mi a retira di servicio cu Lago, cu mi lo haci tur esfuerzo pa logra bienestar di empleadonan y tuma interes den tur asunto di mayor importancia, mi a dicidi na skirbi e articulo aki como un ex-trahador di Lago y representante di obreronan pa expresa mi opinion tocante actitud di Lago en conexion cu e actual cuestion di „aumentacion general”.

Segun mi conclusion, historia a ripiti su mes, referiendo na e „aumentacion general” di October 1954, di cual mi ta nombra e obstaculo di mas interesante cu Lago a trece dilanti e-tempu ey, pa retardar ehecuion di e decision ey pa duna empleadonan di Lago un „aumentacion general” di 6% cual conseqüentemente a bira na pospone e aumento ariba mencionado.

„Ta pareci” cu Lago gusta pospone peticionnan pa „aumentacion general”. Manera mi a menciona caba mi ta nombra solamente e eventonan di 1954 mas conoci, pa hustifica e articulo aki.

„Ta cual tabata e motibonan cu a pone Lago pospone e cuestion di aumento general e biaha ey? E motibo tabata cu e „cuestion di aumento general” a worde inclui den e cuestion di campanja pa eleccion general di Staten, y ya cu Lago kier keda estrictamente neutral den tur asunto politico, el a dicidi na pospone e cuestion aki di aumento general.”

Esaki tabata di acuerdo cu e carta skirbi pa directiva dia 2 di november 1954 (No. 796) y manda pa Council.

Cu e cuestion di aumento general a worde mezel cu esai di campanja politica prome cu Lago a avisa pospone, ta completamente falso. Ta berdad si cu nan dos a mezel ora Lago a posponele riba „fuerte recomendacion di fuentenan exterior”, segun un cierto miembro di directiva a bisa n'e momento ey, y no pa via di Lago su neutralidad, pasobra si Lago tabata kier ta neutral, lo e no acepta tal „recomendacion estranhero”.

Si embargo Lago a hacie na su manera y aplazamiento di e aumento general a bira efectivo, no obstante e protestanan di „e otro banda” loke a causa e siguiente factornan:

1. perdida di dos luna di 6% di aumento general pa obreronan;
2. propaganda politica masha maravilloso pa cierto personanan origina pa „e neutralidad estricto di Lago”, cu a bai asina leeuw cu nan a yama mi comunista.

Actualmente obreronan di Lago ta den un posicon similar. Ningun aplazamiento no a worde menciona directamente, no obstante esey ta loke e ta nifica pa Lago finalmente, y tampoco neutralidad politico no a worde mencionada.

Pero loke ta stranja mi mas tanto, ta e argumento cu Lago a trece dilanti e biaha aki, segun m'a worde informa, cu Lago no por ni kier tuma un decision den e cuestion di aumento general te ora cu gobierno a dicidi riba constitucion cu ta pendiente di e aprobacion.

E argumento aki ta hole „black-mail”. Segun mi, esaki ta un argumento absurdo pa e unico motibu cu tanten cu Lago ta mara na cuikier contract cu e obreronan, esaki ta valido y no mes-

ter desvia di dje, loke ta meen cu Lago mester cumpli cu e leyman y reglanan prescribi te ora cu tal contract ser remplaza y tampoco ningun referencia mag worde haci na cuikier otro contract cu ta depende di aprobacion.

Esaki ta un caso di principios. Pa e mes motibo cu Lago a dicidi di no tuma ningun decision tocante „aumentacion general” awor, di e mes manera tambe Lago por a forza un terminacion temporal di e contract existente eual decision lo ta ehupna cu es conbenlo di trabau actual, pasobra no ta existi tal clausura cu ta estipula tal provision, cu excepcion si Lago cu LEC combini cu tal consentimiento. E resultado di esaki lo ta mescos cu dos anja pasa si e logra na un fin, por ehemplo, extension di e deliberacionnan y propaganda politico pa e bandera berde, pa motibo cu un miembro bon conoci di LEC a pidi cierto emisora di radio broadcast e notici cu „gobierno ta contra aumento general pa obreronan”.

Imaginese, gobierno ta contra aumento pa trahadornan. Ridiculo, i e cierto emisora tambe tabata mas irresponsabel pasobra e mester a check prome si e informacion ey tabata correcto si of no, pero no, el a broadcast e mentira inmediatamente.

Mi ta obliga na duna Lago su imparcialidad den asunto cu representantenan y cu e „politicamente neutral”, si e informacion ta correcto.

Berdad ta, cu constitucion ta pendiente di aprobacion di gobierno pero esaki no mester afecta e discusionnan entre Lago y LEC tocante aumento general, di ninguna manera. Pero loke Lago ta trata na haci ta forza gobierno dicidi riba un otro punto tambe di mayor importancia y cual mester di basta consideracion y estudio loke ta toca e situacion di labor y al mes tempu crea trobel politicoamente.

Lago mester roma cu e remanan cu e tin y no mezel asunto. Mi kier a clara esaki, cu no ta mi intencion di haci ningun proposicion pero mi tin cu bisa si cu Council mester a referi na articulo IV sub 2 di seccion 2 (derecho na „councilmen”) di constitucion y e „by-laws” di e „contract actual”, exigiendo e companianan tene nan e terminacion di e contract di labor actual, pasobra, na unda tin skirbi cu Lago por haci tal cos?

Pero, mi esmado lectornan tur e motibonan di e manobranan aki, ya ta bon conoci. Tabata di spera cu tal cos na lo tuma lugar, y cu nan lo sigui tuma lugar. Loke mi ta sugeri ta, esaki, cu e representantenan den e caso aki mester conveni Lago continua e discusionnan basa riba e acuerdo anteriormente menciona, y elimina e precedente grave cu mi a menciona mas ariba.

No tin dos manera pa haciele. Mi ta ansioso di sabi e resultado di e futuro tratamentonan, sperando cu e discusionnan lo worde resolbe di un manera armonioso y na beneficio di tur hendenan interesa den e asunto aki.

Coco Erasmus.
Staten Lid.

NOTA DI REDACCION:

Como e remitente a trece algun hecho dilanti, nos a pidi Lago su comentario tocante uno y otro, lo cual nos ta laga sigui aki bao, Lago a bisa:

1. Ta di lamenta cu senjor Erasmus no a controla su „hechonan” prome cu el a skirbi nan den su remitido, cu ta principia for di un punto di salida robes. Directiva di Lago no a participa LEC cu lo e no tuma ningun decision prome cu Gobierno dicidi su punto di vista respectivo e estatucion, cual na e momento aya ta sperando aprobacion atrobe;
2. Directiva di Lago si a pidi LEC di bolbe tuma su suplica bao di consideracion en vista di demas informacion cu a worde duna tocante di e situacion economico;
3. Directiva a participa LEC ademas cu ta necesita di mas tempo pa por hanja studia henter e situacion. Council a worde suplica di trece mas argumentonan motibando e peticion pa aumento;
4. Directiva sin embargo a laga comprende cu e cuestion di bolbe aproba e estatucionan di LEC door di Gobierno ta un otro problema cu mester worde resuelto.”

Cumpleaños feliz

Riba e dia di awe nos no por lubida di felicitar senjorita Olga Leest, cu su cumpleaños, na nomber di su mama, welo, omo y tantanan, demas familia, amiganan y Ignacio.

Senjora viuda Regina Valeriana Tromp a cumpli awe e respetable edad di 63 aña, pa cua motibo su juman Juan, Johan, Anita, Vicente, Anna, Sixta, Pedro, Basilio Carmen, Felix, suegironan, Adriaan Rosimbo, Cletano, Chomi, nietonan, rumannan, Obenio Franken, subrinanan, iha, comper y comernan.

Un dia alegre y contento pa senjora Anita Werleman, cu a haci 37 aña awe, ta e deseo di su esposo Adriaan, juman, Maria, Syra, Roberto, Juan, Imeda, Alex, Lucia, Rosalinda, su mama Valeriana Tromp, su suegra Dorothea Werleman y su rumannan y demas familia.

Masha pabien nos ta llama Sra. Bibiana Werleman, cu a completa 50 aña, di parti di su esposo Porfilio, su mama Felicia, juman Crispiano, Demetrio, Francisca, suegironan Myrna, Nana, rumannan y subrinanan.

Su amiganan Norma Paesch, Anita Paesch, amiganan di trabau y especialmente su novia T.A. ta desea e caballero Basilio Dane, kende a cumpli anja awe, hopi felicidad.

Awe senjora Maximina Croes ta recordando su fecha natal y ta ser felicita pa su esposo Sireno, su tata y juman, Bibiana, Buchi, Calito, Edi, Nico, Chichi, Chita, especialmente Supriana Henriquez.

Diezinueve aña di existencia a haci awe senjorita Olinda Maduro. Felicitacion ta bini di su tata Felipe, su mama Maria Louisa, rumannan Annie, Betty, Maria, Elsa, Carmen, Mirna, Greta, Felipe, Carlos, Edwin, wela y welo, tantanan, madrina y padrino, amiganan y especialmente su comprometido Gilberto Willems.

Sincera felicitacion ta bai pa e simpatica senjorita Josefa Anna Wolff, cu a haci 17 aña awe, di parti di su tata Rafael, su mama Johanna, rumann Juanita, Claudio, Bo, Maria, Djosi, Benny, Tommy, Vi, subrinanan, Maiki, Aida, Chindo, Eddy, especialmente subrinonan Rafael, Alex, Erwin, cunja Fortunata, sua Marcolin Tromp y Nemesio de Mey.

Su mama Clara, su tata Juan, rumannan, tanta y omonan, primonan, cunjan, subrinanan, Elie, Horge, Lidia, especialmente su prima Mary Schwegle, su welo Jendi, wela Anita Koolman, ta felicitar sinceramente e simpatica senjorita Mary Koolman, cu ta celebrando su cumpleaños awe.

Tambe ta celebrando nan cumpleaños awe: Olinda Croes, 41 aña; Olimpia Hoevertz, 11 aña; Anastacia Croes, 27 aña; Efrain Henriquez; Olimpia Rasmijn, 13 aña; Olinda Kock; Ludwina Werleman, 5 aña; Margarita Rasmijn, 4 aña y Odilio Jose Berg.

Dos aña cu e pareha senjor Ignacio Loefstop y su senjora de Loefstop a uni nan bida dilanti altar y pesel nos ta manda nan nos mas sincera felicitacion riba e dia aki.

A recorda nan fecha matrimonial ayera e pareha senjor Paulus Martijn y senjora Brigida Catharina Winterdaal de Martijn, cumpliendo 26 aña casa. Pa nan nos deseo di un bida yen di felicidad.

Ayera e hobencita Amalia Naranjo a cumpli 2 aña y felicitarlo ta bai pe di su mama Luarina, su tata Manuel, su rumannan Luis, Hose, Rosa, Ramon, primo y primanan, tanta y omonan, su welo y wela y demas familia.

New! COLOR HARMONY BOOK

takes guesswork out of decorating!



Mas cu 1500 color armonioso

E maravilloso Super Kem-Tone Harmony Book ta muntra bo mas di 1500 bunta color cu ta hasi bo decoracion asina facil.

Duna bo mueblesnan bida nobo. Nos ta presta bo e Color Harmony Book gratis.

Seguramente lo bo tin exito cu colornan di Super Kem-Tone y Kem-Glo!




Agente:
ARUBA TRADING COMPANY

PA MAS ENERGIA: BEBE MALTA CORONA

PEPITA

Por CHIC YOUNG



E anochi tabata frieuw, di manera cu ora Lorenzo y Pepita a subi cama, e prome no por wanta mas frieuw. E ta blo tembla y porfin e ta bisa Pepita: „Esaki si ta un frieuw. Mi pianan ta frieuw frieuw”. „Y ami awor”, Pepita ta drei contesta. Lorenzo ta pensa un rato y dje ta puntra: „Unda e dekel electrico ta?” Cu duele Pepita ta respondele: „E la kibra”. Pero un cos mester haci pa kita e frieuw insoportable aki y Lorenzo ta dicidi di baha for di su cama camina bai pafor, cu un idea riba e cachonan

cu nan tin. E ta bolbe den camber cu tur e cinco cachonan den su brazu y e pobernan ta puntra nan mes ta kiko e ta bai haci nan? Lorenzo a coloca tur e cachonan na un fila na e pia di cama pa tene tanto su pianan como esunnan di Pepita cayente. Pronto nan a pega sonjo y ta sonja doeshie di un beach cu palmas y un solo bon cayente. Pero no kere cu ta nan so ta goza, sino e cinco cachonan tambe ta gozando nan sonjo doeshie riba un matras cu tambe ta duna poco calor.